

Horleman entpfangin und uffgenommen habin uff eynen wydirkauff 21 rynischze gulden, alz dy der erbere here meyster Niclasz Wolkensteyn an syme leczten ende zum Salve Regina bestalt hat, uns czu antworten mit sechz gr ewiges czinszes jerlichin zu hebin uff Hansz Stuchsinges husze vor Unser Libin Frauwinthore, darvon wir alle jar jerlichin bestellin sullen das Salve Regina yn der vasten von der aschzernyn mittwochin bys uff den dinstag noch palmen czu syngin yn Unser Libin Frauenkirchen des abindes yn gewonlichen stunden. Dar von so sullen wir reichen und gebin dem pharrer und synen capplan 8 nuwe groschzen, dem schulmeyster mit synen gesellin auch acht nuwe groschzen und dem kirchener sechs nuwe gr, das er alle abinde darczu lewte dry stunden mit der mesze glogken. Und wir sollen ouch jerlichin czwu kerczen bestellen uff czu stegken und zu burnen undir dem Salve Regina. Von dem selbigen gelde habin wir gelyhin deszin noch geschrebin 10 gulden<sup>a)</sup> darvon sy jerlichin czu czu czinsze ye von 10 gulden eynen czu czinsze gebin sullen. Actum feria sexta ante Martini anno domini MCCCCXXVII<sup>o</sup> coram rectore consulum Josten Payszinkeze et suorum consedentium.

Mittele mulner gnant Robatsch<sup>b)</sup> concessimus 15 fl super molendinum et omnia bona sua.

*a) folgt durchgestrichen vor b) über die Zeile geschrieben, ersetzt durchgestrichen  
Farticono [?]*

## 609.

1428 --

### ***Die Stadt hat Geld aus der Hinterlassenschaft der Tuselin eingenommen.***

*fol. 97r* <sup>(a)</sup>Wissit das wir ynne haben 3 β gr,<sup>b)</sup> dy hat uns Hansz Melczer geantwort und das selbige gelt ist gewest der alden Tuselyn. Wer, das ire frunde und nestin das vordern worden, den sal mans widir uzrichten. Das gelt haben wir an der stad frome geleyt. Actum by Payszinkeze dem burgermeyster und synen kumpanen anno etc XXVIII<sup>o</sup> etc.

*a) alles durchgestrichen b) am rechten Rand, Einfügestelle gekennzeichnet*

## 610.

*ohne Datierung*

### ***Die Stadt verkauft einen Zins und verleiht Geld.***

*fol. 97v* Wiszit daz wir von Ibinstogkes erbnehmen zu eyn selgerethe 90 guldin uff genomen habin, dar von wir jerlichin czu czinsze reichin und gebin sullen sechz rynischze gulden.